

pendit charitatem in necessitatibus inveniendis, et habet discretionem in superfluitatibus rejiciendis. Dat itaque sapientia virtutem et fortitudinem plebi sue; virtutem contra avaritiam, fortitudinem con-

Atra luxuriam: et tamen inter tot perturbationes, et inter tot angustias disponit, ut diligentibus Deum omnia cooperentur in bonum (Rom. viii, 28). Amen.

IN PARABOLAM EVANGELICAM

DE DECEM VIRGINIBUS

SERMO.

710 Est satis elegans, non tamen videtur esse Bernardi.

Simile est regnum cœlorum decem virginibus, etc. (Matth. xxv, 1-13.)

1. Sponsus Christus est, ad cuius vocem qui amicus est, stat et audit, et gaudio gaudet propter vocem sponsi. Huic nos despondit Apostolus, qui ait: *Despondi vos uni viro virginem castam exhibere Christo* (II Cor. xi, 2). Timeo autem quod non possit hoc facere quod sponponit, id est animam nostram exhibere Christo virginem, et virginem castam. Castam addit, quia sunt quædam virgines corpore, quæ cogitatione fornicularia devirginantur, et suaveolentem virginitatis florem libidinosæ affectionis pudore contaminant. Et hæ quidem fatui quinque virginibus designantur, quas non rectæ intentionis affectus infatuat. Virgo Christus est, et Virginis filius, et virginem conjugem vult habere. Tu si habeas angelicam, plus dico vobis, Christi matrisque sua gratiam, hilaresce, tripudia, et in amplexus Christi festinabunda gestiens, illud amatorium clama suspensus: *Osculetur me osculo oris sui* (Cantic. 1, 1). Sponsa ergo es Iesu Christi; sed hoc tuum nomen diligenter attende. Sponsæ vel sponsi nomen ab eo quod est spondere grammatici derivant. Dicuntur autem sponsus et sponsa, quia se sibi alterutrum spondent, ut nec ille, nec illa alteri nubat. Porro inter diem desponsationis hujus interponitur aliquando breve spatium, aliquando et productum; et tamen definita ac denominata est dies, qua debeant convenire: quod quidem sapienter atque utiliter statutum est, ut interim mutuus amor augeatur et crescat, et impatiens desiderium cupitæ copulæ quo amplius differtur, ignescat; et quia juxta Sallustium, cupienti animo nihil satis festinatur, diem dictarum nuptiarum properantius esse desiderent. Sic Jacob pro Rachel septuennium a die desponsationis labore desudat, cubat sub dio, gelu alget, solibus uritur, nec tanti ac tam diuturni laboris amator vehemens cedit injuria (Gen. xxix, 18-28). Quorum autem ista? Ut et tu si jam sponsa Christi es, ardeas amore, aestuas desiderio, anheles suspiris, dum tardat dies copulæ concupitæ. Ait quidam,

B « Palleat omnis amans; » ut pallor est macies sint amoris signa certissima. Quid tibi cum lautoribus epulis? quid tibi cum **711** vino? Non est hoc monachorum. Epulentur splendide cives Babylonis. Si te viderit ob amorem suum sponsus marcescere, si pallescere, si calescere impatiens desiderio, accelerabit copulæ diem, offere oscula, junget amplexus. O lætam diem nuptiarum! o felicem sponsam tali conjugio! Carpe oscula, o beata sposa, junge amplexus, canta: Ecce quod concupivi jam video; quod amavi jam teneo: ipsi sum juncta in cœlis, quem in terris posita tota devotione dilxi (In Officio S. Agnetis).

C 2. Simile est regnum cœlorum decem virginibus quas Rex cœlorum, si sibi cum lampadibus lumen occurserint, in illum cœlestem thalamum intra asylum cubiculi introducit. Sed quid facimus, quia quinque sunt fatuae, et quinque prudentes? Puto autem quod et plures, et prudentium numerum longe superet multiplicitas fatuarum: ceterum omnes, acceptis lampadibus, exierunt obviam spuso et sponsæ. Exierunt. Unde exierunt? Plane de substantia et sæculari conversatione, juxta illud: *Recedite, exite inde, et immundum ne tetigeritis* (Isa. lii, 11). Audit et Abraham: *Exi de terra tua, et de cognatione tua, et de domo patris tui* (Gen. xi, 1). Loth quoque de Sodomis exire præcipitur, et retrosi cere prohibetur, ne pariter cum Sodomitis ardentiibus involvatur incendiis. Sed quid dixit ad angelum? *Est civitas hic juxta, ad quam possum confugere parva et salvabor in ea* (Gen. xix, 20). Numquid non modicum est, et vivet anima mea? Civitas parva et juxta, id est non longe a sœculo, in qua Loth ardente Sodoma salvatur, monasterium est. Numquid non modica est respectu illius, quæ mundi latitudinem occupans, populosa valde et malitiosa, cupiditatis et libidinis flagrat incendio? Eximus inde et ad parvam civitatem quæ juxta est confugimus, ardente cum civibus suis Sodomam relinquentes. *Salvabor*, inquit, *in ea*. Plane salvabimur in civitata ista, si non respexerimus retro, si flammantis

Sodomæ, quæ juxta juste ardet, non nos apprehenderint, non nos incenderint favillæ caducæ. De hac Sodoma exierunt virgines obviam sponso et sponsæ: longe enim est a virginibus flamma Sodomorum.

D 3. Exierunt autem cum lampadibus, lumbos habentes præcinctos, et lucernas in manibus ardentes; ut et castitatis cingulum astringatur in corpore, et ad utilitatem proximi et gloriam Patris, lux exempli clareat in operatione. Sic Gedeon in lagunculis lampades occultans, sed in hora certaminis fractis vasculis demonstrans, repentina luce hostes terruit, et vertit in fugam (Judic. vi). Terrentur enim principes tenebrarum visa luce bonorum operum quia stare ante lucem tenebrae non possunt. Prudentes enim virgines accepunt oleum in vasis suis cum lampadibus. Vide prudentiam virginum istarum. Sciebant noctem fore productam: et nescientes quæ hora noctis sponsus veniret, non contentæ oleo lampadum, etiam in vasis oleum sumunt; ut, si forte illud quod erat in lampadibus annihilaretur et deficeret, de eo quod in vasis reposuerant ad custodiā luminis, lampades implerent. Oleum in lampade, est opus bonum in manifestatione, sed dum videtur a proximis claritas operis, dum mirantur et laudent, extollitur plerumque et assurgit elatus animus operantis; et dum in se et non in Domino gloriatur, lumen lampadis annullatur, et carens fomento congruo lampas, quæ coram hominibus clare lucet, coram Domino tenebratur. Prudentes vero virgines præter oleum quod in lampadibus habent, oleum aliud in vasis reponunt: quia nimur sanctæ animæ dum sponsi sui præstolantur adventum, dum toto desiderio ei clamant quotidie, *Adveniat regnum tuum* (Matth. vi, 10), præter illa opera quæ proximis lucent ad Dei gloriam et videntur, aliqua in occulto, ubi solus Pater videt, opera faciunt; ut si forte illa, quæ conspicua et clara sunt, flatus humanæ laudis extinxerit, oleum occultæ conscientiae suffragetur. Hæc est gloria filiæ regis ab intus, dum plus de oleo quod in vasis conscientiae dilucescit, quam de eo quod lucet de foris, gloriatur; perisse estimat omne quod cernitur, nec id dignum judicial remuneratione, quod favores hominum prosequuntur. Latenter igitur quæ prævalet, operatur, petit secretum, orationibus pulsat colum, fundit lacrymas testes amoris, et cum dilecto illo suo, suspirio gemituque fabulatur. **712** Haec est gloria, sed ab intus, sed invisa, filiæ regis et amicæ. Hoc oleum fatuae virgines non habent; quia nisi ad nitorum vanæ gloriae et favorem hominum bona non operantur. Hoc oleum, in quo prudentes confidunt, in abditis conscientiarum vasculis reponunt.

E 4. Moram autem faciente spenso, dormitaverunt omnes et dormierunt. Dorruunt virgines bona in Domino, et in Christi pectore dulce reclinatorium habentes, mane illud ultimum præstolantur. Ma-

(61) Constantinus presbyter in Vita S. Germani, lib. II, cap. 7, apud Sur. 31. Julii.

A ne, inquit, astabo tibi, et videbo (Psal. v, 5). O quam jucundo interim sopore sopiuntur, quarum caro in spe requiescit, et in spe spiritus hilarescit! (Isa. li.) Libet inter hæc meminisse, quod sanctus Germanus pontifex Antissiodorensis Romam petens, cum Eduam devenisset, ad tumulum sancti Casiani divertit; quem proprio vocans nomine: « Quid, inquit, agis, frater charissime? Et ille de tumulo: « Dulciter, inquit, in pace requiesco, et adventum Redemptoris exspecto (61). Ecce prudentium virginum somnus, quibus coelius dicit Spiritus: *Ut requiescant a laboribus suis* (Apoc. xiv, 13). Non autem hoc fatui virginibus dicitur, nec talis interim sopor earum. Neque enim a laboribus requiescant, quarum caro videt corruptionem, ut ingrediatur putredo in ossibus earum, et subter eas scateat. Et hoc quidem caro. Anima vero sepulta in inferno quomodo dormit conturbata, quæ in tormentis posita ariet siti, nec sperat guttanæ refrigerii, et resurrectionis diem et adventum Judicis male sibi conceia perhorrescit?

B 5. Dormitaverunt igitur omnes et dormierunt. Media autem nocte clamor factus est: Ecce sponsus venit! exite obviam ei. O clamorem prudentibus virginibus omni modulatione, omnibus modulis dulciorum! Ecce sponsus venit! Putas vox ista est Filii Dei, quam cum venerit beata illa hora, omnes qui in monumentis sunt audient, et qui audierint vivent? (Joan. v, 25.) Domine Jesu Christe, Fili Dei vivi, da in illa hora auditu meo gaudium et letitiam, et exultabunt ossa humiliata. Non timeam tune, quasso, Domine, ab auditione mala, quam audituri sunt quibus dicturus es: *Ite, maledicti, in ignem æternum* (Matth. xxv, 41). Erit fortassis vox ista illius tubantis archangeli, in cuius voce et in novissima tuba Dominus descendet de cœlo (I Thess. iv, 15). Canet enim tuba, ad cuius clangorem, ut Hieronymi verbis utar, totus timebit mundus. Frager igitur tubæ illius, dum tubabit angelus, dum expurgiscentur homines, tartara etiam tenebrosa concuriet. Audient miseri qui ibi sunt, qui illo tenentur ergastulo, audient tune, qui nunc audiunt et facere nolunt: *Exite obviam ei*. Magnus quidem clamor: quoniam, ut Sibylla dicit (62) quando tuba sonum tristem dimittet ab alto orbe et Dominus cœlum advocabit desursum et terram, discernere volens populum suum ante se, et prudentes virgines ab infatuatis separare; advocabit cœlum desursum, ut virtutes illæ cœlorum de suis sedibus moveantur, et omnes Angeli cum eo ad judicandum congregentur. Psalmista, *Advocabit cœlum desursum* (Psal. xlix, 4); id est spiritus animasque iustum, quibus ante dictum fuerat ut requiescerent tempus adhuc modicum, donec impleretur numerus fratrum eorum (Apoc. vi, 11). Tunc cœlesti illæ habitatione relicita, sanctæ illæ animæ suis corporibus reddite, tanto tutius, quanto (62) Vide Augustinum, De civitate Dei, lib. xviii, cap. 23.

incorruptius gaudebunt. Tunc in momento, in iectu oculi, juxta Ezechielem, in campo pleno ossibus, mortuorum ossa ad ossa et nervi ad nervos, et juncturæ ad juncturas denuo colligentur (*Ezech. xxxvii*); quia surget corpus spirituale quod seminatum est animale (*I Cor. xv, 44*): et resurgeamus a mortuis jam non moritur, mors illi ultra non dominabitur. Tunc in articulo, in diluculo diei illius, veniente sponso, clamor magius omnes excitabit dormientes, et clamabit virtute magna et efficacissima: *Exite obviam ei*. Exite, dormientes, et in occursum Judicis festinate. Tunc plangent se omnes tribus terræ. *Tunc dicent montibus, Cadite super nos; et collibus, Operite nos* (*Luc. xxiii, 30*). Exite de tumulis quos conscientiae memoria non accusat, et videte Iudicem bene sibi conscius et boni meriti gaudentes.

6. Reprobos autem non tam voluntas quam potestas Judicis exhibebit, nec tam de monumentis exient quam trahentur. Merito dies illa, dies iræ, dies calamitatis et miseriæ, dies tenebrarum et caliginis prædicatur (*Sophon. 1, 15*), in qua

713 *Judicii signo, tellus sudore madescet: Decidet e cœlis ignisque et sulphuris amnis, Tartareumque chaos monstrabit terra dehiscens* (63).

Ignis enim ante Dominum præcedet, et inflammabit in circuitu inimicos ejus (*Psal. xcvi, 3; Luc. xii, 49*), quos tunc instar Sodomitarum inveniet nudos et intactos. Sic enim resurgentes ignis et sulphuris imber inundans igniet et comburet. Erit tunc omnino miserabile visu, quod incorruptibile et incremabile corpus ardebit, nec interibit: comburetur, nec minuetur. Capillus enim de capite non peribit; quia nil corporis, quod incorruptelam induerit, vel incidi poterit vel adori. Aspice Salamandram super ignitas et ardentes prunas illæso corpore gradientem. Porro asbestus lapis talis fertur esse naturæ, ut semel accensus inextinguibiliter ardeat, igne lapidi inhærente, nec tamen consumente (64). Tali vero modo, ut opinor, ignis ille sulphureus inflammabit inimicos Domini. Justos vero, sicut Babyloniós tres pueros, non tangit omnino (*Dan. iii*), nec contristabit, nec molestiae quidquam inferet, cum reformat Dominus corpus humiliatis nostræ, configuratum corpori claritatis sua. Rogo, quid inter haec erit mentis peccatoribus, qui nunc lætantur cum malefecerint, et exsultant in rebus pessimis? (*Prov. ii, 14*) quid, inquam, animi tunc habebunt, ardentes elementis, terra dehiscente, et hiatu terribili chaos demonstrante tartareum, consurgentibus mortuis, et Judge illo, cui Pater omne judicium dedit (*Joan. v, 22*), cum omnibus Angelis cœlitus adveniente? Miserum me! dum haec cogito et scribo, cor timore palpitat, hument oculi, et tribularer nimium, si nescirem misericordias Domini.

7. Verum ad propositum revertamur. *Tunc surre-*

(63) *Vide Augustinum, De civitate Dei.*

(64) *Vide Augustinum, loco citato, lib. xxi, capp. 4, 5.*

Aixerunt omnes virgines illæ, et ornaverunt lampades suas, id est conscientias, cogitationibus accessanibus, aut etiam defendantibus: *Arguam te, inquit, et statuam te contra faciem tuam* (*Psal. xl ix, 21*). Posuimus nos peccata nostra post dorsum nostrum dum hic viveremus, et tanquam de actibus nostris nulla esset ante tribunal Christi facienda discussio, per negligentiam peccata multa oblivioni tradidimus. Sed quid ait? *Statuam te contra faciem tuam*; id est totam vitam tuam, quidquid congitatu actuque peccasti, ante tuæ faciem mentis addueam: quæ cum omnia simul videris, dicam: *Hæc fecisti et tacui*. Sic fieri arbitror hora illa, tale judicium fieri, Veritate, quæ Christus est, in cordibus singulorum judicante. Heu! quanta tunc in mentem venient, quæ nunc vel nulla putantes, inconfessa atque impurgata relinquimus! Quod metuens pius ac prudens rex Ezechias: *Recognitabo*, inquit, *omnes annos meos in amaritudine anime mee* (*Isa. xxxviii, 15*). *Recognitabo*, id est iterum cogitabo; ne aliquid forte oblitus sim, neque aliquid injudicatum et indiscutsum remaneat.

8. Ornant ergo lampades prudentes virgines oleo, quod in vasis reposuerant: sed fatuarum virginum lampades extinguitur, et quia tenebrarum opera fecerant, in tenebris remanserunt. *Date nobis, inquit, de oleo vestro*. Stulta petitio. Vix justus salvabitur (*Petr. iv, 18*), et vix etiam sanctis justitia suæ oleum sufficit ad salutem: quanto minus et sibi, et proximis? Noe, Daniel, et Job, nec filium liberabunt: sed sicut anima quæ peccaverit ipsa morietur, sic anima quæ justitiam fecerit, sola salvabitur (*Ezech. xviii, 4, 20-30*). Responderunt prudentes dicentes: *Ne forte non sufficiat nobis et vobis, ite potius ad vendentes, et emite vobis*. Tardatum est: jam enim nequaquam justitiae oleum venumdatur. Jam Prophetæ et Apostoli, aliquique doctores, qui hoc distrahere et habere venale solebant, a tali mercionio quiescent, nec jam ulterius dicunt: *Sumite psalmum, et date tympanum* (*Psal. lxxx, 3*). Quid plura? *Quæ paratae erant intraverunt cum eo ad nuptias*. Virgines ad nuptias intant, quas introducit Rex in cubiculum suum: quia earum speciem concipit. Ibi de cœlesti cella vinaria promittit et propinatur vinum novum, quod pariter bibet et mostrabit Filius hominis.

D9. *Et clausa est janua*? Quæ janua? Illa quæ nunc patet venientibus ab Oriente et Occidente, ut recumbant cum Abraham, Isaac, et Jacob in regno cœlorum: illa quæ ait, *Eum qui venerit ad me, non ejetiam foras* (*Joan. vi, 37*). Ecce quomodo patet nunc, quæ tunc in æternum claudetur. Veniunt homicidae, et admittuntur; veniunt publicani et meretrices, recipiuntur; veniunt sodomitæ, molles, adulteri, fures, et quicunque hujusmodi, et patens eis janua non negatur. Multus enim est ad ignoscendum, præstabilis super malitia qualicunque et quantacunque. Tunc autem quid dicit? *Clausæ est janua*. Janua pie-tatis et misericordiae Christi, quæ nunc lacrymis,

gemibus, suspiriis et precibus penitentium facile repulit, sed claves suas ei observandas tradidit. *Vigilate itaque, quia nescitis diem neque horam*: quia vigilantibus et orantibus, non dormientibus et pigritantibus regnum celorum præstatur per Dominum nostrum Jesum Christum, cui est honor et gloria in sæcula sæculorum. Amen.

NICOLAI CLARÆ-VALLENSIS

SERMO IN FESTO SANCTI ANDREÆ⁽⁶⁵⁾.

Corde creditur ad justitiam, ore autem fit confessio ad salutem (*Rom. x, 10*).

714 1. *Et quietum studium, et attentum silentium, et tanta tanti viri solemnitas monent, imo compellunt aliquid dicere ad ostendendum gloriam deitatis, gratiam apostolicæ dignitatis, confessionis viri utrum. Demus gloriam laudi ejus, quem laudent omnes gentes, qui ministros suos et laudat, et laudabiles facit. Ipse est cui assistunt Angeli ad audiendum sermonem ejus: qui stellas vocat et dicunt: Aduimus: cuius manus extendit cœlos, qui fundavit terram super stabilitatem suam, qui gradat super fluctus maris, qui fecit mirabilia solus, in quem desiderant Angeli prospicere. Ipse est qui fecit omnia, et in omnibus quæ fecit, quæcumque voluit fecit. Huic servire regnare est, qui servivit pro nobis dura et gravi necessitate, et purpuram suæ divinitatis cilicio nostræ mortalitatis operiens, pauper et mendicus venit in regionem nostram. Numquid non ludus vobis videtur, Judæi, pagani, hæretici, et omnis illa subsannantium, imo insaniens turba, cum dicimus Filium Dei carnem, mortem, clavos et lanceam tolerasse? Ludus profecto est, unde sic nobis luditur, ut vobis illudatur. Unicus ille Sapiens hujus mysterii non ignarus, ludum istum eleganti sermone præluisit. Delectabar, inquit, per singulos dies, ludus coram eo in orbe terrarum (*Prov. viii, 30*). Lusit quippe coram Deo, cum carnem ex ejus præcepto suscepit; et in orbe terrarum, quia ad redemptionem orbis terrarum delegatus, per singulos dies in singulis Apostolis jucundatus, dum uni tradit regnum celorum, alteri de pectore suo reclinatorum facit.*

D2. *Et deliciae meæ esse cum filiis hominum*. Putabam ego, Domine Jesu, quod delicia tua essent esse non cum filiis hominum, sed cum choris Angelorum, ubi divinitatis gloria Thronis et Potestatibus admirandus superiorum oculos reverberas naturarum; ibi lucem inhabitas inaccessibilem, et circumstantiam clarissimorum luminum tui luminis obtegis majestate. Sed illa clementissima tua pietas, et be-

(65) Confer. cum sermone 40 De diversis.

3. Verumtamen movet me lectio apostolica, ut aliquantis per ea vestræ reverentia colloquamur. Ait enim: *Corde creditur ad justitiam, ore autem confessio fit ad salutem*. Dicit enim Scriptura: *Omnis qui credit in ipsum non confundetur*. Tria pronounctur hic: et corde credere ad justitiam, et ore confiteri ad salutem, et in ilium credere, in quem qui crediderit non confundetur. Solum cor hominis capax est orationis et susceptibile mysteriorum Dei,